



Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 63. Reichlinus propter Rabbinorum libros a Coloniensibus Theologis
vexatus.

[urn:nbn:de:hbz:466:1-66433](https://nbn-resolving.de/urn:nbn:de:hbz:466:1-66433)

pore Imperatoris, ac S. R. I. Electorum Sæcul. XVI.
nomine Suevici foederis *Triumvir felige-* A.C. 511.
batur, Oenipontum ad Cæsarem able-
gatus.

§. LXIII.

*Reuchlinus propter Rabbinorum libros
a Coloniensibus Theologis
vexatus.*

Verum tam amplos, quibus Reuchlinus *Paul. Gov. in
claruit, honores non parum diminuit, elog. c. 143.*
bellum literarium, quod contra eum *Dupin. Bibl.*
Colonenses Theologi suscitarunt; qui- *Script. t. 14.*
dam enim præfatæ urbis Judæus, nomi- *Sæc. 16. p. 2.*
ne Pfefferkorn, dudum inter gentis suæ *Argentre
Viros Messiam se esse fingebat, cum vero de novis er-
suam fraudem detectam comperiret, Chri- *collect. jud.*
stianorum sacris sese addixit, simulque *p. 349.*
Hochstrato Ord. FF. Prædicatorum in *Spond. ad
ann. 1510.*
Germania Inquisitori, necnon Arnaldo *n. 14.*
Tungensi in Colonensi Universitate Theo-
logiæ Professori suggestit, quod consul-
tum esset, ut omnes Judæorum libri, ut-
pote impietatibus, blasphemias, ac super-
stitionibus pleni comburerentur: Ambo
hanc in rem a Maximiliano edictum pro-
mulgari petebant, quibus lubenter an-
nuit Imperator: Illud vero edictum, ut
revocaretur, instabant Judæi, qui in aula
Cæsarea plurimum gratia valebant, cau-
sati, quod Pfefferkornius omnia perlu-*

Hist. Eccles. Tom. XXXII. T istra-

Sæcul. XVI. straret compita, eorum ædes ingredere-
 A.C. 1511. tur, librosque vi e manibus ipsorum e-
 velleret: Interea vero Reuchlinus hujus
 editi executionem Stutgardiae fieri præ-
 pedivit. Igitur Cæsar Coloniensi, Mo-
 guntinæ, Oxfordiensi, atque Heidelber-
 gensi Universitatibus negotium dedit, ut
 hac super re, junctis Reuchlini, Victoris
 Corbei & Jacobi Hochstrati consiliis,
 sententiam suam edicèrent. Reuchlinus
 a ceteris interrogatus, scripto mentem
 suam integra fide aperuit, duo genera li-
 brorum Judaicorum distinquens, quorum
 quidam de variis argumentis ad religio-
 nem non spectantibus tractantes, alios
 autem recta adversus Christianam fidem
 elucubratos dixit, censuitque primos uti-
 litate sua fors haud carere, ceteros vero
 suppressimendos esse.

Vander-
 Hardt. p. 16.
 part. 2.

Pfefferkornius, cuius quæstui hæc
 Reuchlini sententia minus favebat, eum
 consutaturus librum Germano idiomate
 edidit, quem *speculum manuale* inscripsit,
 cui Reuchlinus alium opposuit, titulum
 que præfixit: *Speculum oculare*, in quo
 conqueritur, adversarios suos plusquam
 triginta columnias in eum effutiisse.
 Theologi Colonienses Reuchlini librum
 examini subjecerunt, ac omnino quadra-
 ginta quatuor propositiones ex eo decer-
 pserunt, quas latine redditas Arnaldus
 Tun-

Tungrensis cum notis earum cuilibet spe-
ciatim subjunctis publici juris fecit, illas-
que Colonienses Theologi erroris, hæ-
resisque accusarunt. Adversus hos Reu-
chlinus latinam concinnavit apolo-
giam Cæsari nuncupatam, qua edita coram
Hochstrato Inquisitore, præsente Electo-
re Moguntino, comparere jubebatur; cum
vero ob grave senium, adversaque va-
letudinem ipsius venire præpediretur, Pro-
curatorem misit, qui nomine suo Hoch-
stratum hujus caussæ judicem, utpote si-
bi summe adversantem, recusaret; cum
vero Reuchlini exceptio non admittere-
tur, Procurator Romanum provocavit. Ea
etiam appellatione spreta, Hochstratus
sententiam pronuntiavit, qua libri, cui ti-
tulus *Speculum oculare*, lectionem prohi-
buit. Reuchlinus ab hac sententia ad *de statu Rel.*
Sacram Sedem appellavit: Papa vero *& Reip. l. 2.*
hujus caussæ cognitionem ad Episco-
pum Spirensim, atque Electorem Pala-
tinum remisit, qui sex nominarunt Com-
missarios, qui erant Thomas Truschus,
Georgius de Swalbac, Philippus Flers-
heim, Virgilius Sickinger, Jodocus Gal-
lus, & Wolfgangus Fabricius Capito. Hi
Judices Spiræ congregati utriusque litig-
antium parti diem dixerunt, Reuchlinus
equidem comparuit, Hochstratus
vero recusata hujus tribunalis auctorita-

Sæcul. XVI te condemnatus est, eo quod citationi non
A.C. 1511. paruiisset.

Instructis interea Spiræ hujus judicij actis Theologi Colonienſes ſuorum quos-dam Lutetiam Parisiorum ablegarunt, qui Theologicas Facultati articulos ab Universitate Coloniensi rejectos expone-rent, ac deſuper judicium ferri poſtula-rent. Parisienses Theologi conuentu ha-bitio, Mense Augusto Anno Salutis mil-leſimo quingentesimo decimo quarto ſen-tentiam ab eſtiginta Doctoribus ſubſcri-ptam pronuntiant, qua Reuchlini librum igne comburendum ceneſebant. Hanc ſententiam jam Mense Februario a Theo-logis Colonienſibus executioni datam fuiffe, existimat Dupinus, quamvis vero ſimilius videatur, id nonniſi poſt prola-tum Parisiensis Facultatis judicium con-tigiffe. Pfeffenkornius hac victoria elat-us novum opus edidit adverſus Reuch-linum, cui titulum præposuit, *Cymba-lum tinniens*; unde Reichlinus denuo cauſam ſuam Romam deferre, ac deciſi-vam a Papa ſententiam exorare com-pellebatur. Ferme omnes Europæ Do-ctores Reuchlino favebant, ejusque Pro-curatori quamplurimi Principes ac Ger-maniæ Præſules literas commendatitias Romam perferendas committebant, quin etiam omnes doctrina ac politiorum ar-tium peritia conspicui Romæ Reuchlini cauſam

Argentre
I.c.p.350.

caussam tuebantur; abundabat enim eo ^{Sæcul. XVI.}
tempore amplissima hæc Civitas Viris ^{A.C. 1511.}

non solum Graeci ac Latini, sed etiam
Hebraici idiomaticis scientia longe claris-
simis. Ceterum hujus caussæ cognitio
a summo Pontifice demandata est Gri-
mano Cardinali, cui adjungebatur An-
conitanus Cardinalis, ipsiusque Hochstra-
ti auctoritati datum, ut etiam Cajeta-
nus itidem Cardinalis, necnon Sylvester
Prierius Magister Sacri Palatii, ambo Or-
dinis FF. Prædicatorum alumni aggre-
garentur. Nec tamen horum favor a-
deo prævaluit, ut hi Judices Hochstrato
patrocinarentur; hinc ille haud amplius
obtinere poterat, quam litis inducas;
tractu tamen temporis Reuchlino adver-
santes cum eo in gratiam redire compel-
lebantur, ipsique Dominicani litis ex-
pensas pendere, ac Romæ absolutionis
sententiam procurare decreverant; Reu-
chlinus enim quosdam hujus Sacri Or-
dinis Viros semper sibi amicitia junctos
numerabat, qui illum ob eximiam lingua-
rum eruditionem plurimi habebant; i-
mo in ipso disputationum æstu hi ipsi
phures Reuchlino chartas tradebant, in
quibus ejus doctrinæ applaudebant.